

Memoria xustificación económica do Grao en Linguas Estranxeiras

Universidade de Vigo

Número total de páxinas: 10 páxinas

1. Persoal Académico

1.1 PDI da titulación

As seguintes táboas elabóranse coa información do curso 2025-2026:

TÁBOA 1.1

Proposta de cadro de PDI para a titulación (incluíndo profesorado externo, se é o caso)				
Univ.	Categoría	Total %	Doutores %	Horas %
UVigo	CU	17,5	100	60
UVigo	TU	45	100	70
UVigo	CD/PPL	7,5	100	80
UVigo	AXD	12,5	100	70
UVigo	ASO e Profesorado Substitución	10	100	80
UVigo	Lectoras/es de idioma estranxeiro	7,5	33,3	50

TÁBOA 1.2

Cadro de profesorado dispoñible								
Univ.	Categ. académica	Nº	Vinculación coa univ.	Dedicación ao título		Nº de Doutores	Nº de Quinquenios	Nº de Sexenios
				Total	Parcial			
UVigo	CU	7	Permanente	2	5	7	35	33
UVigo	TU	18	Permanente	8	10	18	86	47
UVigo	CD/PPL	3	Permanente	1	2	3	11	7
UVigo	AXD	5	Temporal	1	4	5	3	2
UVigo	ASO e Prof. Substitución	4	Temporal	3	1	4	0	0
UVigo	Lectoras/es	3	Temporal	0	3	1	0	0

A Facultade conta con todo o profesorado necesario para impartir o plan de estudos do Grao en Linguas Estranxeiras no curso de implantación da actual modificación. Non obstante, e como parte do proceso de remuda xeracional da Universidade de Vigo, están actualmente en fase de concurso tres novas prazas de Profesorado Axudante Doutor (unha en Filoloxía Inglesa e dúas en Filoloxía Francesa), cuxa incorporación reforzará a actual plantilla das áreas maioritarias no Grao a partir do comezo do curso 2026-27.

1.2 Outros recursos humanos

A Universidade de Vigo establece unha dotación de postos de traballo destinados aos aspectos técnicos, de xestión e de administración e servizos que cobren as necesidades dos centros, cuxa relación de postos de traballo pode consultarse no Portal de Transparencia da Universidade de Vigo (<https://www.uvigo.gal/universidade/administracion-persoal/pas/postos-organizacion>). A Facultade de Filoloxía e Tradución conta na actualidade cun cadro de PTXAS axeitado ás necesidades do centro. Este persoal garante o funcionamento diario dos servizos administrativos e da biblioteca, a atención ao estudantado e o soporte informático e técnico, así como o mantemento de infraestruturas e equipamentos e a xestión económica.

Este persoal participa activamente na organización do centro mediante os seus órganos de representación, contribuíndo á mellora das condicións de traballo e á calidade dos servizos. Grazas ao seu labor, a facultade dispón en condicións óptimas das aulas equipadas, dos laboratorios de idiomas, interpretación e multimedia, das salas de informática con software especializado, dos espazos de estudo e biblioteca, asegurando una contorna axeitada para a formación filolóxica e traditolóxica do alumnado.

A este persoal debe engadirse aquel que forma parte de UvigoTV (<https://tv.uvigo.es>), pois é o que se encarga do mantemento técnico das aulas virtuais ás que nos referiremos máis adiante e que se encontran aloxadas no Campus Remoto da Universidade de Vigo (<https://campusremotouvigo.gal>).

A continuación incluimos o cadro deste persoal vencellado ao funcionamento da Facultade de Filoloxía e Tradución na que se integra o Grao en Linguas Estranxeiras.

Outros recursos humanos dispoñibles (PTXAS: Departamentos, Decanato, Secretaría, Conserxería)				
Categoría	Experiencia no posto (anos)	Tipo de vinculación coa Universidade	Dedicación	Antigüidade na Universidade
XEFE/A DO NEGOCIADO DE APOIO Á XESTIÓN DE CENTROS E DEPARTAMENTOS	16/06/2025	PERSOAL FUNCIONARIO INTERINO	TEMPO COMPLETO	23/06/2023
XEFE/A DO NEGOCIADO DE APOIO Á XESTIÓN DE CENTROS E DEPARTAMENTOS	28/06/2017	PERSOAL FUNCIONARIO DE CARREIRA	TEMPO COMPLETO	16/04/2000
XEFE/A DO NEGOCIADO DE ASUNTOS XERAIS – Facultade de Filoloxía e Tradución	20/01/2025	PERSOAL FUNCIONARIO DE CARREIRA	TEMPO COMPLETO	23/06/2012
XEFE/A DA ÁREA DE ESTUDOS DE MESTRADO E DOUTORAMENTO	28/06/2017	PERSOAL FUNCIONARIO DE CARREIRA	TEMPO COMPLETO	31/05/1993

XEFE/A DO NEGOCIADO DE ESTUDOS DE MESTRADO E DOUTORAMENTO	28/06/2017	PERSOAL FUNCIONARIO DE CARREIRA	TEMPO COMPLETO	25/02/1999
XEFE/A DO NEGOCIADO DE ESTUDOS DE MESTRADO E DOUTORAMENTO	01/09/2023	PERSOAL FUNCIONARIO DE CARREIRA	TEMPO COMPLETO	20/02/2004
XEFE/A DO NEGOCIADO DE ESTUDOS DE MESTRADO E DOUTORAMENTO	28/06/2017	PERSOAL FUNCIONARIO DE CARREIRA	TEMPO COMPLETO	24/04/1992
XEFE/A DA ÁREA DE ESTUDOS DE GRAO	28/06/2017	PERSOAL FUNCIONARIO DE CARREIRA	TEMPO COMPLETO	19/08/1992
XEFE/A DO NEGOCIADO DE ESTUDOS DE GRAO	01/09/2023	PERSOAL FUNCIONARIO DE CARREIRA	TEMPO COMPLETO	19/06/1999
POSTO BASE	23/12/2024	PERSOAL FUNCIONARIO DE CARREIRA	TEMPO COMPLETO	28/02/2008
CONSERXE	01/11/2022	PERSOAL FUNCIONARIZADO	TEMPO COMPLETO	28/02/1997
AUXILIAR DE SERVIZOS	24/02/2025	PERSOAL FUNCIONARIZADO	TEMPO COMPLETO	28/02/2013
AUXILIAR DE SERVIZOS	01/11/2022	PERSOAL FUNCIONARIZADO	TEMPO COMPLETO	24/12/1996
AUXILIAR DE SERVIZOS	02/02/2026	PERSOAL FUNCIONARIZADO INTERINO	TEMPO COMPLETO	02/09/2016
AUXILIAR DE SERVIZOS	23/12/2024	PERSOAL FUNCIONARIZADO	TEMPO COMPLETO	15/11/2004

2 Recursos materiais e servizos

Actualmente, a Facultade de Filoloxía e Tradución conta con recursos materiais e servizos adecuados e suficientes para o desenvolvemento das actividades formativas planificadas na titulación. Dispónse, ademais, dos medios audiovisuais necesarios para a docencia virtual (sets de gravación, software para a edición multimedia, aulas con cámara e micrófono, etc.). O conxunto de medios vinculados coa actividade docente presencional detállase a continuación.

2.1 Espazos dispoñibles

A Universidade de Vigo e a Facultade de Filoloxía e Tradución contan cunha dotación en infraestruturas, equipamentos docentes, aulas e laboratorios de primeiro nivel, perfectamente axustados e actualizados para o pleno desenvolvemento das actividades previstas en todas as titulacións que se imparten na actualidade na Facultade e, concretamente, para a docencia do Grao en Linguas Estranxeiras.

Ademais, nos seus orzamentos anuais, a Universidade de Vigo ten en conta a dotación para laboratorios docentes de todos os seus centros e establece a distribución dos fondos atendendo, entre outros parámetros, ao número de estudantes por laboratorio e á aposta dos centros pola innovación didáctica e tecnolóxica. A partida orzamentaria que recibe a Facultade de Filoloxía e Tradución para a renovación e o mantemento de laboratorios sitúase arredor dos 20.000€ anuais, o que permite a modernización, mantemento e mesmo ampliación, de ser necesaria, destes recursos materiais para adaptalos ás necesidades cambiantes de formación dos nosos graos e mestrados.

Por outra banda, a Facultade cumpre a lexislación vixente en canto a accesibilidade e deseño para todos, segundo o disposto na lexislación vixente. A este respecto, dispón de ramplas de acceso aos diferentes pavillóns, aulas con adaptación de postos para persoas con discapacidade, ascensores nalgunhas das plantas que non teñen acceso a través das ramplas, ramplas de acceso exteriores, varandas de seguridade e servizos adaptados.

O procedemento para a xestión dos recursos materiais e dos servizos regúlase no SIGC e pode consultarse en: <http://sdfft.webs5.uvigo.es/images/docs/calidade/procedementos/IA01.pdf>

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO GRANDE		
DESCRICIÓN XENÉRICA	USO HABITUAL	CAPACIDADE
Aulas de gran capacidade, máximo de 104 estudantes	Utilízanse para clases maxistras, normalmente de carácter teórico, impartidas a grupos grandes (que na Universidade de Vigo non superan os 100 estudantes), así como para a realización de exames, probas escritas e orais, presentacións de estudantes e conferencias e proxeccións.	104 estudantes *Aula ASE: 81 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	9 aulas de grande capacidade dotadas de ordenador central para o profesorado, canón de vídeo, pantalla e sistema de son, cableadas para que o estudiantado poida cargar alí os seus portátiles e conectarse á rede a través do sistema wifi dispoñible na Facultade de Filoloxía e Tradución. 8 destas aulas están dotadas con micrófono e cámara.	
Aulas	A1, A2, A3, B1, B2, C1, C2, C3, ASE	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO MEDIANO		
DESCRICIÓN XENÉRICA	USO HABITUAL	CAPACIDADE
Aulas de capacidade media, máximo de 72 estudantes	Utilízanse para as clases maxistras de grupos medianos, exames, probas escritas e orais, presentacións de estudantes e conferencias e proxeccións. Tamén nas sesións prácticas de grupos de tamaño mediano.	72 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	Trátase de 5 aulas de capacidade media (72 postos), todas elas dotadas de ordenador central, canón de vídeo, son e cableado para portátiles. As aulas A5 e B5 teñen, ademais, cámara e micrófono.	
Aulas	A5, A6, B5, C5 y C6	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO MEDIANO-PEQUEÑO		
DESCRICIÓN XENÉRICA	USO HABITUAL	CAPACIDADE
Aulas de capacidade media, máximo de 50 estudantes	Utilízanse para clases maxistras de grupos pequenos, normalmente de carácter práctico, exames, probas escritas e orais, presentacións de estudantes e conferencias e proxeccións.	50 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	Son 5 aulas dotadas de ordenador central, canóns de vídeo, son e cableadas para que o estudantado poida utilizar os seus portátiles.	
Aulas	A7, B7, B8, C7, B8	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO PEQUENO		
DESCRICIÓN XENÉRICA	USO HABITUAL	CAPACIDADE
Aulas de pequena capacidade	Utilízanse para clases maxistras de grupos pequenos, exames, probas escritas e orais, presentacións do estudantado e conferencias e proxeccións.	A8: 32 estudantes A9: 24 estudantes A4A: 24 estudantes A4B: 24 estudantes B9: 32 estudantes B4A: 24 estudantes B4B: 30 estudantes B6A: 24 estudantes B6B: 20 estudantes C4A: 24 estudantes (máis un posto para persoas con discapacidade) C4B: 30 (máis un posto para persoas con discapacidade)
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	Aulas dotadas de ordenador central, canóns de vídeo/pantalla de TV, son e cableadas para que o estudantado poida utilizar os seus portátiles. A B6B conta, tamén, con cámara e micrófono.	
Aulas	A4A, A4B, A8, A9, B4A, B4B, B6A, B6B, B9, C4A e C4B	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO SEMINARIO		
DESCRICIÓN XENÉRICA	USO HABITUAL	CAPACIDADE
Aulas de pequena capacidade	A docencia que se imparte aquí é de tipo seminario, e tamén se realizan nelas exames, probas escritas e orais e presentacións de estudantes en grupos reducidos.	15 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	<p>11 aulas dotadas de ordenador central, canóns de vídeo/pantalla de TV, son e cableadas para que o estudantado poida utilizar os seus portátiles. Unha delas (B13) está dotada de pizarra dixital.</p> <p>A11, A12, B13, C11, C13: teñen cámara, televisión e micrófono. Están preparadas para a docencia híbrida e virtual.</p> <p>As aulas C11 e C14 teñen, tamén, pantalla táctil.</p> <p>A aula B11 é unha sala cun croma para a realización de gravacións.</p>	
Aulas	A11, A12, A13, B11, B12, B13, B14, C11, C12, C13 e C14	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO LABORATORIO		
DESCRICIÓN XENÉRICA	USO HABITUAL	CAPACIDADE
Laboratorio de idiomas	Laboratorios dixitais para a formación nas destrezas orais propias da aprendizaxe de linguas: escoita e comprensión oral, produción do discurso, conversa en grupos, fonética e pronuncia, etc.	24 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	<p>3 laboratorios de idiomas con 24 cabinas semipechadas provistas de gravadora dixital e auriculares con micrófono incorporado. A unidade do profesorado inclúe ordenador central, dobre pantalla, disco duro de alta capacidade para a recollida de gravacións, sistema de intercomunicación co estudantado, canón de vídeo e pantalla, monitor de TV e megafonía externa, ademais de sistema interno de intercomunicación co estudantado.</p>	
Laboratorio	Laboratorio de Idiomas A10, B10 e C9	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO LABORATORIO		
DESCRIBIÓN XENÉRICA	USO HABITUAL	CAPACIDADE
Laboratorios de Interpretación simultánea	Están orientados principalmente á práctica da IS, se ben as súas características permiten que sexan tamén utilizados para a formación práctica en calquera das destrezas propias da formación oral en linguas (fonética, produción/recepción do discurso oral, conversa).	IS1: 24 estudantes IS2: 12 estudantes IS3: 20 estudantes IS4: 22 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	<p>2 laboratorios dixitais.</p> <p>2 laboratorios analóxicos con sistemas profesionais de IS. S1 é un laboratorio dixital que ten 24 postos de traballo en 20 cabinas pechadas (16 individuais e 4 dobres). Cada unha das cabinas ten unha gravadora dixital que permite a recollida inmediata dos materiais de traballo na aula. A unidade central do profesorado inclúe un laboratorio dixital plenamente operativo, dúas pantallas de vídeo, canón e monitor de TV. A docencia que se imparte aquí é exclusivamente práctica, incluída a realización de exames e probas orais do estudantado.</p> <p>IS2 é un laboratorio analóxico equipado con sistemas profesionais de IS. Ten 12 postos de traballo en 6 cabinas pechadas dobres. Cada unha das cabinas ten unha gravadora dixital que permite a recollida inmediata dos materiais de traballo na aula. A unidade central do profesorado inclúe un sistema analóxico plenamente operativo, dúas pantallas de vídeo, canón e un monitor de TV. A docencia que se imparte aquí é exclusivamente práctica, incluída a realización de exames e probas orais do estudantado.</p> <p>IS3 é un laboratorio analóxico equipado con sistemas profesionais de IS. Ten 20 postos de traballo en 12 cabinas pechadas dobres. Cada unha das cabinas ten unha gravadora dixital que permite a recollida inmediata dos materiais de traballo na aula. A unidade central do profesorado inclúe un sistema analóxico plenamente operativo, dúas pantallas de vídeo, canón e dous monitores de TV. A docencia que se imparte aquí é exclusivamente práctica, incluída a realización de exames e probas orais do estudantado.</p> <p>IS4 é un laboratorio dixital de última xeración e ten 22 postos de traballo en 11 cabinas pechadas dobres, unha das cales está totalmente adaptada ás necesidades de estudantes que precisen o uso de cadeira de rodas. Cada unha das cabinas ten unha gravadora dixital que permite a recollida inmediata dos materiais de traballo na aula. A unidade central do profesorado inclúe un laboratorio dixital plenamente operativo, tres pantallas de vídeo, canón e un monitor de TV. A docencia que se imparte aquí é exclusivamente práctica, incluída a realización de exames e probas orais do estudantado.</p>	
Laboratorio	Laboratorios de Interpretación Simultánea 1, 2, 3 e 4	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO LABORATORIO		
DESCRICIÓN XENÉRICA	USO HABITUAL	CAPACIDADE
Laboratorio de Audiovisual	Emprégase habitualmente para a docencia de materias relacionadas co mundo multimedia.	10-12 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	Trátase dun laboratorio audiovisual de última xeración que está dotado cun sistema profesional de dobraxe (pantalla, ordenador, micrófonos, auriculares). Está insonorizado e permite a gravación de vídeos formativos, para o que está dotado cun croma e unha cámara portátil. Tamén está dotado con todo o software necesario tanto para a docencia relativa a contidos multimedia como para a xeración de material multimedia para a docencia.	
Laboratorio	Laboratorio Audiovisual	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO LABORATORIO		
DESCRICIÓN XENÉRICA	USO HABITUAL	CAPACIDADE
Laboratorio de linguaxe e cognición	Infraestrutura de investigación académica creada para estudar de forma experimental e interdisciplinaria a linguaxe e os procesos cognitivos asociados ao seu uso no cerebro e na conducta humana.	10-12 estudantes
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	Cabina insonorizada, equipamento NIRs, EEG, eye-trackers, pantalla-proxector, software específico	
Laboratorio	Laboratorio de Linguaxe e Cognición	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO INFORMÁTICA		
DESCRICIÓN XENÉRICA	USO HABITUAL	CAPACIDADE
Aulas de informática	A docencia aquí impartida é fundamentalmente práctica, se ben tamén se imparten algunhas sesións teóricas. Realízanse, igualmente, exames e presentacións do estudantado.	C10: 24 N17: 24 N9: 50
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	3 aulas de uso docente dotadas de canón/pantalla de TV, son e ordenadores fixos.	
Aulas	Aulas de Informática C10, N17 e N9	

TIPOLOXÍA DE ESPAZOS E DOTACIÓN DE INFRAESTRUTURAS DE DOCENCIA-APRENDIZAXE		
AULA – TIPO GRAVACIÓN		
DESCRIBIÓN XENÉRICA	USO HABITUAL	CAPACIDADE
Set de gravación multimedia	Gravación de vídeos formativos	Non aplica
DENOMINACIÓN DO ESPAZO E DOTACIÓN (número de espazos do tipo descrito e dotación de cada un)	Trátase dun set de gravación, un espazo deseñado para a gravación multimedia que se atopa nas dependencias do Instituto de Investigación Lingua, na Facultade de Filoloxía e Tradución. Este espazo conta con croma, cámara, iluminación e software de edición multimedia.	
Aulas	Set de gravación	

Todos os espazos docentes da Facultade de Filoloxía e Tradución, sen excepción, contan con **xemellos virtuais** aloxados no Campus Remoto da Universidade de Vigo, incluídos os laboratorios de interpretación simultánea. Estas infraestruturas facilitan o emprego de metodoloxías docentes de internacionalización na casa, como as aulas espello ou telecolaboración. Todos estes espazos virtuais poden, ademais, utilizarse para facilitar a asistencia a conferencias, xornadas ou eventos académicos de interese. Adicionalmente, isto supón que a Facultade de Filoloxía e Tradución está totalmente preparada para afrontar a docencia en liña nunha situación de continxencia sanitaria ou de calquera outra circunstancia sobrevida, permitindo así que a docencia continúe con normalidade.

Por outra banda, todo o profesorado dispón dun despacho virtual individual no que pode levar a cabo as titorías concertadas co estudiantado.

A todo isto haberá que unir outros espazos de uso xenérico non docente da Facultade: Sala de Xuntas, Salón de Graos e Salón de Actos, que tamén contan con xemellos dixitais.

Estes espazos virtuais, que se poden consultar no enlace <https://campusremotouvigo.gal>, están integrados con Moodle, a través da plataforma de teledocencia MooVi da Universidade de Vigo (<https://moovi.uvigo.gal>), coa contorna virtual máis recente, que garante o soporte tecnolóxico necesario para o desenvolvemento da docencia, a xestión de contidos e a comunicación co estudiantado.

En resumo, a Facultade de Filoloxía e Tradución conta coas infraestruturas necesarias para garantir o desenvolvemento do Grao en Linguas Estranxeiras. Dispón dun amplo conxunto de aulas de diferentes capacidades, todas elas equipadas con ordenador, sistemas de proxección, son e conexión á rede, que permiten a docencia maxistral, seminarios, sesións prácticas e a realización de probas de avaliación. Ademais, a Facultade conta con laboratorios de idiomas dixitais e analóxicos dotados de cabinas individuais e dobres, sistemas de gravación e intercomunicación, que facilitan a formación práctica nas destrezas orais, na fonética, na produción e análise do discurso e na interpretación.

En conxunto, estas dotacións tecnolóxicas e docentes garanten unha formación de calidade, adaptada ás esixencias actuais do ensino superior.

2.2 Novos espazos necesarios

A modificación do título non require da dotación de novos espazos, xa que a Facultade de Filoloxía e Tradución e a Universidade de Vigo dispoñen de todas as infraestruturas físicas e virtuais necesarias para a impartición da proposta para o novo plano de estudos.

2.3 Novos equipamentos necesarios

A Facultade conta cunha dotación suficiente de infraestruturas e equipamentos para asegurar a impartición das ensinanzas do Grao. Entre estes recursos inclúense, como vimos no apartado anterior, medios audiovisuais e conexión dixital, laboratorios de idiomas e de interpretación, aulas de informática con software especializado para a formación filolóxica, espazos de traballo colaborativo e unha biblioteca con fondos bibliográficos, hemerográficos e electrónicos adecuados ás necesidades das titulacións.

A provisión de novos recursos materiais e técnicos, no caso de resultaren necesarios, realizarase con cargo ao orzamento xeral da Facultade e da Universidade, consonte os procedementos ordinarios de planificación, execución e control do gasto establecidos pola normativa económica e de xestión da Universidade de Vigo. Na actualidade, e á vista da dispoñibilidade existente, considérase que non é precisa a incorporación de recursos adicionais específicos para garantir o correcto desenvolvemento da actividade docente.